

Das pleybt dan nit vngerochen.
Ich leren ain dem andern wider sprechen
3710 Vnd wie sich iedlicher selb sul rechen.
Dar auf kumpt dan grosser neyd vnd haß.
Her Lucifer, in deinem dienst thue ich das.

DECIMUS DIABULUS *scilicet* TITINIL:

Ich pin genant der fürst Titinil.
Das ist mein kunst auch wil,
3715 Das ich müg alzeit gefleissen
Vnd andacht von den lewten reysen.
Ich mach si in der kirch (gin) und gaffen (86 r)
Vnd dy frawen von ieren nachparen klaffen.
Ich laß dy gotz gab nit geren frey.
3720 Ich vermisch dar vnter simoney
Mit münichen, pärtling vnd pfaffen.
Ich hab auch gar vil zw schaffen
Mit witben, nunnen vnd petschwestern,
Die peger ich alzeyt zw lesteren,
3725 Wan si dy andacht an get,
Ye pas mier der sin zw in stet,
Ich mach sy hoffertig vnd gayl,
Also pring ich sy an mein sayl.

Iterum PRIMUS DIABULUS *scilicet* WAL:

Ich hayß der helle fürst Wal.
3730 Ich peleyb auch wol pey ewr zal
Ich leren dy lewt triegen
Mit vasten nachreden vnd liegen.
Ich pin willig in sölicher pflicht,
Das ich auf ein iedes pring anzicht.
3735 Ich speib den leuten in den mund
Pössen arckban zw aller stund.
Ich mach manigen also weschissen,
Das er maint, allain gar zw wissen